


مکملہ ادبی و سیاسی رسالہ اسبوعیہ در

۳۰ نجی سنہ



۵ جمادی الاولیٰ ۱۳۲۹

پنجشنبہ

جزو عدد : ۹۴

فرقه‌ده کی اختلاف

اتحاد و ترقی فرقه‌سی تشکیل ایدن ذوات آره‌سندہ بر زماندن بری روایت اولنان اختلاف اون بش کون مقدم لون حقیقتی کو سترمشدر .
اکثریا بر حقیقت مجاز و کتابہ دینان ستره‌لردن عاری و صرف عوامکارانہ و (چپلاق) اوله‌رق اظهار اولنه‌جی اولورسه ماهیت اصلیه‌سی دها زیاده تمیز اولنه‌جقدن ، بزده بو اختلافک علت اصلیه‌سی عوامک ورد زبانی و بناء علیه دنیا ایشلرینک حقیقی بر میزانی اولان شومثل ایله خلاصه ایتک ایسترز :

(بن ابی بم سن فنا ؛ بن ییہ بم سن ییہ !)

ایشته بو حقیقت مکتومه بوکونکی کونده (محافظه‌کارلق) کسوه سیله عرض اندام ایتکده در .

محافظه‌کار نه دیمکدر ؟

بونک فرانسیزجه‌سی (قونسرواتور) درکه معنای تضمینی مسلك سیاسیاتده قدیمی محافظه و ترکیبی امر زفیده (قابلو یغه یوریشی) التزامدن عبارتدر .

فرانسه مجلس مبعوثاننده لیبرال و یا قونسرواتور نامنده بر فرقه یوقدر . فرانسه مجلس مبعوثاننک الوان سیاسیسی بشقه نامرله تمیز اولنور .

(قونسرواتیف) و (لیبرال) تعبیرلری ایسه بروقت انکلتزه ده (وینگ) و (طوری) لردن عبارت اولان عوام قارمسی افرادیته صکره دن و برلش اسملردر .

Whyg. (وینگ) لر تعبیری ، حریت‌پروان فرقه‌سنه علم اولمشدرکه طور یلره مخالفتکارلق

مسلك سیاسیلردر .

Tori (طوری) لر ایسه حکومت طرفدارلرینه اطلاق اولنورکه مسلکری سیاسیاتده محافظه عرف وعادته مراعات ایله - ولو خیر محض اولسون - استعداد میلان زمانه موافق اولان ترقیاته الدن کادیکی قدر ممانعتدر . یعنی عنعنات تاریخیه و عقائد باطله‌نی ترویج طریقله عوامفریبک بولتیقه‌سیدر . چونکه بومسلك اربابی اساساً (زعما) دن عبارت اولدقلرندن مقصد اصلی محافظه منفعتدر .

ایشته اتحاد و ترقی فرقه‌سندہ کی (حزب) جدیدک کندیلرخی تلوین ابتدکاری رنگ سیاسینک

حقیقتی بودر .

مجدى افندى ايله پيروانك بورنك ايله تلون ايتك ايستدكربنه قائل اوله مايز ، اوله مايز اما آنلر (محافظة كار) لفي التزام ايتدجه بزده مدلول اعتباريله غايه مقصدلرى منفعت خصوصيه اولديغنى اعداده ثابت قاليرز .

انسان هر حالده طوته جنى مسلكه كوره براسم انتخاب ايدر . اكر مجدى افندى محافظه كارلنى اعتدالكارلق ، يعنى (پارلمانته ريزم) ده افراط و تفريط مابيني برمسلك سياسى اولقى اوزره تلقى ايلشده فرقه سنه اوناي و برمش ايسه ياكلكشدر . چونكه قونسرو اتورلك نىامى تمامنه ليبراللىك ضديدر . و يا خود معناى اصطلاحيسى حقيقى وجهه بيلوبده قبول ايلش ايسه سكالت عشرينى طور تجلى سياسيده حسن تلقى ايدم جكرك عقولى بك قاصر اولقى لازم كلور . حزب قديم ديتلان اعضاى اصله دن بو تعديلاتده حسن نيت كوره ميانلر ايسه مجدى افندى به بحق (ان هى الا ...) قول كريميله خطاب ايتكده معذور و حقى محقدرلر .

اكثر خصوصيات جديهي برسان مزاحكار بده تصوير ايتك معنادى اولان احمد راسم بك ، چكن كون نشر ايتديكى بر مقاله ده ديمشدر كه : « بن ليبرالم ، ويا محافظه كارم ، اتحاد و ترقيدم ديمكه انسان ليبرال ويا محافظه كار اوله ماز . اوچ سنده در كوردكلرمز ويا ايشتدكلرمز بوئي اثبات ايدبور . »

مجدى افندى ، فضيلت اخلاقيه سييله تعارف ايتمش بر ذاتدر . بو بوبله اولقله برابر غريليلرك ، يوز سته لك تجارنه ربحاً حالا نصاب تكامله واصل اوله ميان اجتهادات سياسيه لرني ، جف القلم طرميه چيقارم جق قدر كنديسنده بر قدرت اجتهادية اصلاحكارى تصور ايدبورسه جدا سزاوار تعزيتدر . زيرا بزم حالت حاضره اجتهايه و سياسيه مزه دوردن نكه انداز اولان اوروپاليلر ، حتى - موجب انفعال اولسه ده - سويلرز - تاريخ مشروطيتده بزدن ۲۳ ياش دهامسن بولنان قومشومز بلغارلر بيله خنده استخفافدن كنديلرني آلاما مقده درلر .

اتحاد و ترقى فرقه سنده جدا واجب الاصلاح نقايس وار ايسه بر صاحب اخلاص آرقداش هر زمان آنى بر تقرير ايله فرقه رئيسه تكليف و اخطار و چاره اصلاحى ارائه و تدكار ايدم بيلير . مجدى افندى فرقيه بوبله بر تكليفده بولنشميدر؟ بولنشه تكليفى نظر اعتبارمى آلتامشدر كه چاره اصلاحى (تفرقه جوقده) آرامشدر .

ينه تكرار ايدرز . مجدى افنديك فضيلت ذاتيه و مزيات اخلاقيه سنى بك بقندن طايانلردن اولديغمز جهته صوابه اقتران مقصدندن منبعث اولقى لازم كلان بواجتهادنده كي خطايى حسن نيسته باغشلا و رفيق محترمزى ترك داعيه افتراق ايلسندن طولانى تبريك ايدرز .

ابوالضيا

